


歷代 日記叢鈔



學苑出版社

歷代日記叢鈔

第一八三冊



郭曾炘撰

邴廬日記

余生於榕城通賢里祖宅 曾王父猶在堂初得曾
孫取班賦語命名壬申歲隨宦東歐通守晏膏如先
生春霖蜀中名宿精子平學為推祿命謂五行缺火宜
更名從火旁 先君子踐其說命更之既膺鄉舉兩
應春官不第復更今名濫秩京曹卒丁國變忽忽至
今日然向來推余命者皆謂壽不過六十內外則其
言亦有不盡驗者自去冬始為目記旋復遺失今春
又續為之回念過去光陰總成陳迹策名長已咳命
猶存欲還吾初名慮駭耳目因以郤廬自署取根矩

之姓而隱藏其字用誌窮而返本之思世俗習傳曾文正遺言譬如昨日死譬如今日生者吾亦竊取之日記之大旨有四一省愆尤二輯聞見三記交游四則傾吐胸次之所欲言者而詩文亦間錄存焉無一語自欺吾方寸無一事不可揭諸人此其胸也其戒亦有二不稗販報紙時事新聞不言人過失遼東一龍管幼安非所敢望華子魚又不能為郤根矩之清修則竊慕而未逮者過此一往或有一知半解忝附於述作之林抑縱肆日偷終墜於下流而不覺余亦

未敢自信也丁卯春王正月福廬老民識

郝廬日記

丁卯正月十一日晴瑞臣來商運送 實錄事申正
同灋兒乘特別快車赴津戌初一刻到站至津寓晚
飯熙民及羣一六妹先後來談至亥正方去倦極即
睡

十二日晴晨起即赴張園 上是日小感冒來者均

傳見晤趙君景祺趙號時敏即前紹興守貴福

乙未翰林治

秋瑾之獄者因此事不理於浙人之口調守甯國

浙撫張小

帆亦以此案調山西旋引疾去當時政府一味姑息遷就如此然終不免於辛亥之變也

國變後易姓名跡遼左

去歲始隨京兆尹李垣來京任政務廳長初次見面
即極親切滿員之漂亮者亦談及秋案相與太息久
之與趙同來者有李西聞係遼左名士未與接談歸
途赴子有早飯之招散後至六妹處留晚飯次耕步
蘭皆在

十三日晴辰正同雲兒赴張園慶壽在樓下分班行
禮午初在樓前攝影上正坐近臣及諸舊臣兩行
侍立如去年例旋賜壽讌實錄本定今日進呈以護
照請頌不及經攷老面奏暫緩起運是日同祝嘏者

除相識熟人外有康南海戊戌一面相距將三十年
矣略有周旋聆其談吐頗近圓活一路殆有會於聖
之時者歟散後回寓閱燈社課作熙民述範孫申訂
存社主課即擬詩題付之

十四日晴熙民羣一俱來立之來未晤晚赴熙民之

約同席有趙晴波

武清人直隸
政務廳長

餘皆同鄉席散後又赴

白原樂泉之約歸寓已交丑正惠庠三姪由京晚車
來稍談即睡

十五日晴晨起同雲兒赴東海處前此赴津與東海

晤皆泛泛常談此次生稍久頗談及光宣時事東海
謂當監國時一切朝事多由近支操縱慶邸亦噤不
敢言情事或然終不能為政府諸公恕也旋往蘇
戡處未晤因致老即日回京且連日多同席故未往
拜此來同鄉熟人如星治資穎皆未及往他鄉人更
無論矣王君九來未晤送其尊人第鄉同年寫禮願
遺著四種第鄉同直樞垣數年不同班未嘗深談其
學長於金石考證卷首恭進平定陝甘新疆回匪方
畧表為集中傑作其他詩文亦謹嚴有法度不愧學

人直廬同人無出其右者歿年僅四十九

集韻頤齋頃屋側也又小室也

回廊後伺伯來伺伯恂恂儒雅猶是書生本色民國初年迭任東三省要職一為吉林省長當時用人尚未大悖也晚冰社會期悖仲為主就棚樓設席到者為白栗齋查峻臣葉文泉周立之李又臣李子申林子有郭伺伯徐芷升任仲文社中每會皆拈題分韻是日即以上元雅集為題余分得橋字

十六日晴此數日天氣俱甚暖狐裘幾不能御又未帶小毛衣甚以為苦熙民來小坐即去作冰社上元

詩并呈惜仲七律一首

餘生蹤跡付萍飄燈月還能共此宵舊雨隔年思倍摯堂花一笑意為消眼中東海

猶三島夢裏西冷渺六橋過去未
來都莫說散愁的我有長歌

下午赴六妹之約次耕外皆吾

家中人養剛晚車自京來

十七日晴無客來與亦廉步蘭惠姪輩閒談申初到
老站候關東來特別快車申正開車戌初二刻至前
門站乘氣車歸寓盆中水仙尚開梅花亦甫破萼春
光之不負我也此次到津專為張園慶壽未再請見
因請見未必即傳見或傳諭一兩日後再來則不得
不在津少候而英女感冒多日未痊急歸省視遂不

告而行但此心終負歉也

十八日晴巖孫君坦務觀俱來留共午飯子有到京
遣人來取所借錢竹汀洪北江畫像是日貽書處耆
年會因候西醫克禮至上燈後始來即電辭未赴
十九日曉微陰旋即開晴早餐畢即赴靈清宮燈社
之期此次發唱攷老分數極多得第一標至為高興
同人亦興高采烈余得二標季武得三標應得燈彩
君坦為挑姚茫父雪景山水別彩得水煙袋一殊無
所用之今歲各處捐款有贏故又另備彩照民於晚

車赶到已唱畢與攷老熙民李武復縱談久之歸寓亦僅亥正也貽書日間為海六乞致書李湘言補缺事即託貽書代作書致之

二十日晴已初起元旦日曾作書懷詩二首以尚有

餘意故未錄出昨晚枕上復完成二首茲并錄之

一醉屠蘇

萬事忘晨光促起攪衣忙海東遙望紅雲拜香案猶疑近玉皇斗室焚香燕坐清水仙相伴有梅兄歲朝亦堪裝點只費朱提兩餅贏宣卷無字可書門三王相交尚過存客散閒庭還寂寂瓦溝殘雪照黃昏老屋通賢憶里居高曹規矩忘諸生前修何敢希龍尾聊誌咳名自署廬（余生時 曾王父尚在堂以初得曾孫取班賦命名嗣應試展轉改今名自去始作日記今歲因自署那廬隱寓根矩字太史公作屈原列傳謂天者人之始也父母者人之本也人窮則反本蓋竊取斯義焉）第三首後復添一首劄記重新訂日程譬如昨死譬今生喧天鉦鼓從他競學得龜堂心太平

又貽書示平齋書以久不復書見責并錄示渠去臘

自壽詩索和亦率成一篇應之

經歲無書成我懶窮冬何物壽君堪故人見責誠知罪近事而今

益厭煩久矣長安非日本古來天塹說江南河清難俟聊姑俟看取玄黃戰正酣

枕上構思最傷腦力余

少時即如此幾成習慣但衰年終不相宜當戒之閱

黃報某筆記謂天雨花之左維明乃影射賀逢聖殊

近似前人未曾道也飯後務觀來即去師鄭郵寄歲

暮元旦諸作意在索和又為張君季易索題小雙寂

庵勸書圖皆恐無以應之晚赴貞賢之招未終席復

偕致老同年赴總布胡同石岱霖蔣乃時二君之招

乃時為岱霖婿現為奉軍電話局長岱霖自稱門下
士未便詢其所由來俟晤梅南詢之致老車中詢及
津埠能否安居余謂一時俟無恐須看上海變局如
何又云或勸遷大連則與京師隔絕皇產清理益難
而從此皆貧甚不能遠涉亦有主厲遼者宣明面目
又殊不耐看真所謂感感靡騁矣

檢閱平齋夏間來書所錄近作
有八哀詩其一首為中丞公作

又作題擊鉢吟集後詩追念少萊語亦
深摯久置不答是吾過也二十二日補記

二十一日曉微陰旋即開晴余冬月常以日上窗始
起然夜睡不逾兩時即醒常半夜披衣起坐至旦復